

S 104

repeat  
ed page

copy  
pp. 1-3.

1. 5:31

K31/1

J. Thadie

received 10/38 K31/1/3

1.

Monghali ea ratchang Isena ke tse  
 ling tseo ke li fumanang ho motho oa khale  
 khale oa mosali moholo. O bolela hore  
 mehlang ea khale ha naha e sa le mpe  
 batho ba ne ba phela ka ho hlora ho  
 makatsang ka baka la mofere-ferere ~~ea~~<sup>ea</sup>  
 lintoa le ea malimo batho ba neng ba  
 e-ja batho ba bang ka baka la tlala  
 hobane ba ne ba lema ka thata ka matsoko  
 ba ne ba lema ka mohoma o kang oo ho  
 hlaoloang ka ona empa ona o le se-  
 phara mohoma ona o no o etsoa ka  
 mokhoa ona. Ho bo ho ena le banna  
 ba bang ba neng ba etsa. Ba ne ba  
 etsa ka mokhoa ona, ba batla lejoe le  
 thata la moralla ba le bese haholo  
 ka mollo ebe ho qhibiliha ntho e kang  
 kulo joale ba ne ba e bokelle joale  
 ha e omella ba bona hore ntho ena  
 e ka etsa marumo le cona mehoma ea  
 ho lema joale ba boele ba e busetse ifo  
 e re ha e qhibiliha ba bone e eba bono  
 e lumela ho otloa ka lejoe le thata  
 e sa qhalane joale eaba ba etsa  
 mihoma le marumo ao ba tla tseba  
 le ho loantsa lira ka ona.

2.

Kape o re pere e be e le phoofolo e tšajoang  
 haholo o re ha e ne e lla monga cona le bas  
 a nang le bona e ne e ka khona ba e rapele  
 hore e thole hobane kamehla ha pere e ne e  
 lla joalo ho no ho thoe e tla loana e bolae  
 batho hoba ba ne ba re <sup>ho</sup> na le ntho e  
 'ngoe e e utloisitseng bokloko ke ka hoo e  
 llang. O re batho bas ba khale ba ne ba ahile  
 matlo ao ba phelang ho ona a le manyenyane  
 haholo hoo motho a nenga kena a khumame

5(104)

- ka mangole marulelo a teng a otla fatše ka lintlha tša ona o re e le matlo a se nang leseli a le lefifi le makatsang hobane a ne a se na lifenstere e le bothata ba bonesa ka tšotso e beoa holima lengetana la nkho kapa la pitsana e 'ngoe ea letsopa e shoe- leng kapa ba tšele mafura ka har'a lengetana e be ba akhela leshala le lenyenyane e be le ea hotetsoa ka o tukang e be lea tuka. Mollo ba ne ba o fumana ka mokhoa ona. Ba ne ba ena le lejoenyana le bitsoang lehakoe, ba ena le joang bo bong ba sehlahlana se seng se bitsoang toala se chesoa hanyenyane e be se akhelo a ka kotikoting se timile se
3. se na mollo se bolokoa ka teng ha ho besoa ho nkho lehakoe le tšepenyana e be ho nkho toala eane e ka kotikoting e be ho otloa lehakoe lena le etse lihlahase joale ho tšoeroe kotikoti ena ka letsoho le leng 'moho le lehakoe lena. Lihlahase tša teng li oele ka har'a kotikoti e tletseng toala joale toala ena e be e hotetsoa ke lihlahase tsena ha li ntse li oela ka mona, motho a bone feela mosinyana o so o kubella e be joale hoa butsoeloa joale ho ntsoa toala ena e hotetseng e be joale hoa besoa. Lipitsana tša ho pheha ba ne ba pheha ka lipitsa tša letsopa li bopuo a ke basali ho phehoa ka tsona ho khuoa metsi ho tseloa le lebese ho tsona tse ling e le tse kholo-hali tse neng li bitsoa merifi tša ho ratholela majoala.
- O re leha ba ne ba lema ka matsoho empa ba ne ba fumana lijo tse ngata. Lijo tsena e le poone le mabele e ne ka ha ba ne ba se na mekotla banna ba khale ba loha lintho tša litonana ka joang bo bitsoang mohlomo ho lohuoa ka mokhoa

S (104)

4. ona. Ho entsoe lithapo tse ngata joale ntho ena e lohuoa joaleka seroto ho hlajoa ka thupa e entsoeng nale e bitsoang lehlabo eo re e bonang le kajeno ha ho puleloa matlo a puleloang ka joang. O re batho ba ne ba phela habohloko hobane mohlomong ba ne baanela ho lema kapa hona ho loha hoo ha mekotla eo ea Sesotho e neng e bitsoa lisiu hobane mohlomong sera se ne se ee se fihle se qhale batho ka ntoa joale ha banna ba hloloa ke lira hoa balehuoa. Kape o re mekotla ena ea Sesotho e ne e etsoa ka mokhoa o mong haeba ba fihlile moo mohlomo o leng sio. O re mekotla joale e ne e etsoa ka matlalo a likhomo a suhiloeng ho etsoe mekotla e rokiloeng ha thata e rokiloeng ka lesika la likhomo kapa la liphoofolo tse ling tse kholo. Matlalo ao a likhomo ha a suhuoa ho no ho etsoa joala bo bongata, etlare he mantsiboea ka lishoalane ho qaloe mosebetsi oa ho suoa ho suoa banna le basali le bana ao joale ea tlola pina boiu bo tla sa mokete e le o moholo oa ho suha. Bo sa joalo he li felile likobo tse neng li suhuoa.

end. s 104.